


KOMMUNIMUT PILERSAARUMMUT TAPILUSSAQ 2B5-1

Qeqertat Avannaatungaa Inuussutissarsiteqarfik, Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqartillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniippat.

Tamanut nalunaarut

Kommunimut pilersaarummut tapiliusseq 2B5-1 inaarutaasumik atuutilersutut tamanut nalunaarutigineqarpoq ulloq 14.03.2018.

Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	5
1.4	PILERSAARUMMI PINGAARNERIT	6
1.5	PILERSAARUMMUT TAPILIUSSAP INATSISITIGUT ATUUFFII	6
2	AALAJANGERSAKKAT	7
2.1	PINGAARNERTUT AALAJANGERSAKKAT	7
2.2	AALAJANGERSAKKAT SUKUMIISUT	9
3	AKUERSINERMUT UPPERNARSAAT	13
4	ASSI ILANNGUSSAQ	14

1 NASSUIAAT

Una tapiliusseq immuni kommunimut pilersaarummut tapiliussat 37-saat uunga "Nuummut pingaarnertut aaqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Immikkoortoq Qinggutta ilorpasissuani inissisimavoq, avannaata tungaani umiarsualiveqarfissatut nutaatut pilersaarutaasumi. Immikkoortoq marlunnik mikisunik qeqertaqarpoq akornat imaalluni. Qeqertaq killeq ilaannakortumik sanaartorfissagissagaavoq, kitaatunginnguanilu imarpik ikaarlugu umiarsuarnut umiarsualiviup tungaanut aqquinnioortoqassaaq. Imaq tamassuma akornaniittoq itivallaanngitsuvoq immerneqarsinnaallunilu.



Ilisarnaatinut nassuiaatit

Immikkoortup ilaa pioreersoq	Inissiaqarfik A	Nunaminertaq sanaartorfieqqusaanngitsooq D
Immikkoortup ilaa nutaaq	Siliffeqarfeqarfik B	Teknikkikkut atortorissaarutit kiisalu attaveqaatitigut atortorissaarutit E
Inissiat/illut pioreersut	Illoqarfiup qeqqa C	



Pioreersunut killigitat immikkoortullu ilaa nutaaq titarnernik aappaluttunik ilisarnaateqarput.

Qeqertat illoqarfiup ilaanit Nuussuarmit, Fiskerbymit, Imapik ikaarlugu umiarsuarnut umiarsualivimmit Qinngutsinniillu isikkiviupput.

Kommunimut pilersaarummut tapiliusaaq Kommuneqarfik Sermersuumut Kommunimut pilersaarut 2028-mut, ilutsini pingaarnerni ataatsimoorussassatut siunertatut isikkoqartunut, qiterisaqarfittut siunertanut atugassiissutigineqartoq ilaatinneqarpoq, qulaaniittoq assi takuuk.

Kommunimut tapiliusaaq una atorlugu immikkoortup ilaa nutaaq pilersinneqarpoq, immikkoortulli inuussutissarsiornermut siunertaqartumik atorneqarnissaa aalajangiusimaneqarluni.

1.2 SIUNERTAA TUNNGAVILU

Immikkoortoq Nuummi, illoqarfiup ilaani Nuussuarmit inissisimavoq, inuussutissarsiuteqarfissatut umiarsualiveqarfissatullu piukkunneqarluni Sumiiffiup avannaani kitaanilu imapik ikaarlugu umiarsuarnut talittarfiornermut atatillugu imaq immingaatsiarneqarnikuuvoq. Kommunimut pilersaarummut tapiliusaaq inuussutissarsiuteqarfinnik imarsiornermut tunngasunik assigiinngitsunik pilersitsiortortoqarnissaa siunertaralugu suliaavoq, aammalu silami inaalitsivinnik, tamakkununnga ilanngullugit umiatsianut inaalitsivinnik pilersitsiortortoqarnissaa siunertaralugu.

Kommunimut pilersaarummut tapiliussami tunngaviit tassaapput:

- Umiarsualiveqarfiup siunissami annertusarneqarnera ataqatigiinneqassasoq.
- Immikkoortup inuussutissarsiutinut talittarfeqarnermullu atorneqarnissaa aalajangersassallugu.
- Umiarsualiveqarfimmut attuumassutilinnik inuussutissarsiuteqarfinnik sullissiveqarfinnillu pilersitsinissamut inniminniisoqassasoq.
- Immikkoortoq avatangiisai eqqarsaatigalugit umiarsuillu containerinik usisut talittarfiat nutaaq eqqarsaatigalugu atorneqassasoq.
- Immikkoortup Qeqertanut aqquteqarnissaa qulakkeerneqassasoq, nunap assinga 2B5 innersuussutigalugu.

1.3 PISSUTSIT ATUUTTUT

Immikkoortup ilaa katillugu 8,0 ha-nik annertussuseqarpoq. Immikkoortumiipput qeqertat mikisut marluk 10 missaanik qatsissuseqartut, akunneratigut imaalluni.

Immikkoortoq ullumikkut sanaartorfigineqanngilaq, qeqertarlu kangilleqpinngortitaassutsimisut isikkoqarpoq, killeq ilaatigut qaartiteriffiginikuulluni nunagissarneqarnikuullunilu.

Borgmester Anniitap Aqqusernata Pukuffiullu akornanni aamma Qeqertanut akornanni ikaartarfiliisoqassaaq, Nuup sinneranut pingaarnertut aqqusineqartinnissaa qulakkeerniarlugu.

1.4 PILERSAARUMMI PINGAARNERIT

Kommunimut pilersaarummut tapiliussami immikkoortup atorneqarnissaa aalajangersarneqarpoq, inuussutissarsiuteqarfittut allaffeqarfittut, entreprenøreqarfittut, quersuaqarfittut, assassorluni suliffeqarfiliorfissatut, iluarsaassisarfeqarfissatut, tunisassiorfissatut, inaalitsiveqarfittut angallassinermik sulialinnut aammalu umiarsualiveqarnermut siunertanut talittarfeqarlunilu puttasooqassaaq, kiisalu illorsuit assigisaallu umiarsualiveqarnermut tunngasut tamaaniissapput . Aamma silami inaatsiviliortoqarsinnaavoq umiatsianullu inaalitsiviliortoqarluni. Imaani periarfissat nunap assingani 2B5-mi takutinneqartut immerneqarsinnaapput inuussutissarsiuteqarfittullu atorneqarlutik.

Immikkoortumi nutaanik illuliortoqarnissaanut periarfissiisoqassaaq, inuussutissarsiuteqarfinnik assigiinngitsunik suliffeqarfinnillu umiarsualiveqarnermut tunngasunik nunaminertami 20.000 m² tungaanut annertussusilimmi, 10 m tikillugu qatsissusilimmi.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusernermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpoq. Nikingasoornerit pingaarnertut aamma aalajangersakkanit pingaarnertut nikingasoornerit pissutigalugit nutaanik kommunimut pilersaarummut tapiliussaliortoqassaaq. (*Pilersaarusernermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allannngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.



2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusukkut allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertit pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inuussutissarsiortnermut umiarsualiveqarnermullu siunertaq	<p>Nalinginnaasumik atuuffia: B – Inuussutissarsiortnermut umiarsualiveqarnermullu siunertaq</p> <p>Nalinginnaasumik atuuffia: B2 – Inuussutissarsiortnermut umiarsualiveqarnermullu siunertaq</p>

2. Atorneqarnera	
Kommunimut pilersaarummut tapiliussami immikkoortup atorneqarnissaa aalajangersarneqarpoq, inuussutissarsiuteqarfittut allaffeqarfittut, entreprenøreqarfittut, quersuaqarfittut, assassorluni suliffeqarfiliorfissatut, iluarsaassisarfeqarfissatut, tunisassiorfissatut, inaalitsiveqarfittut angallassinermik sulialinnut aammalu umiarsualiveqarnermut siunertanut talittarfeqarlunilu puttasoqassaaq, kiisalu illorsuit assigisaallu umiarsualiveqarnermut tunngasut tamaaniissapput. Imartaa kisartarfittut pituttarfittullu atorneqassaaq.	Kommunimut pilersaarummut tapiliussami immikkoortup atorneqarnissaa aalajangersarneqarpoq, inuussutissarsiuteqarfittut allaffeqarfittut, entreprenøreqarfittut, quersuaqarfittut, assassorluni suliffeqarfiliorfissatut, iluasaassisarfeqarfissatut, tunisassiorfissatut, inaalitsiveqarfittut angallassinermik sulialinnut aammalu umiarsualiveqarnermut siunertanut talittarfeqarlunilu puttasoqassaaq, kiisalu illorsuit assigisaallu umiarsualiveqarnermut tunngasut tamaaniissapput Aamma silami inaatsiviliorortoqarsinnaavoq umiatsianullu inaalitsiviliortoqarluni. Imartaa kisartarfittut pituttarfittullu atorneqassaaq.
3. Sanaartorfissaq	
Sanaartornermi annerpaamik 32,5 m portussuserineqassaaq.	Sanaartornermi annerpaamik 10 m portussuserineqassaaq.
4. Inissaqassuseq	
Immikkoortoq inissianut 142.500 m ² -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.	Immikkoortup ilaa 8,0 ha-it missaannik annertussuseqarpoq. Immikkoortoq inissianut 20.000 m ² -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
6. Nunaminertat piumasagaatitaqarfiusut	
Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, nallarissup iluani aamma nunap immamit qatsinnerussusianut aalajangiussat iluanni mikkiartornermi qangattalernermilu akornutaasoqaaqqunagu. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu	Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, nallarissup iluani aamma nunap immamit qatsinnerussusianut aalajangiussat iluanni mikkiartornermi qangattalernermilu akornutaasoqaaqqunagu. Immikkoortut ilaat tamarmik mittarfiup eqqaani immikkut aalajangersakkat iluanniippit, tassani illut sanaartukkallu allat nunap immamit

portussutsit portunerpaaffigisassaat assigiinngiiaarput, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq. Qaartiterutissaasivimmut isumannaallisaanermut killeqarfeqarfimmut sumiiffik ilaavoq. Immikkoortumi 15 meterit iluanni ungaluusanik innaallagialinnik autoværinik saviminiusunik imaluunniit innaallagialinnik allanik ikkussisoqaqquusaanngilaq.	qatsinnerussusia 127,5-imik qaangerlugu sanaartorneqaqquusaanngillat aammalu qatsissuseq 121,5 qaangerlugu aqqusinniortoqaqquusaanngilaq imaluunniit silaannarmi nallarissup mittarfiup tallissutaatut atuuttup iluani sanaartukkat atortulersuutillu allat immamit aalajangersimasumik qutsinneruffissaqartitaapput mittarfimmut ungasissuseq apeqqutaalluni, qeqqaniillu mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq. Innaallagissap aqquataata ilaani isumannaallisaanermut killeqarfeqarfimmut sumiiffik ilaavoq. Immikkoortumi 15 meterit iluanni ungaluusanik innaallagialinnik autoværinik saviminiusunik imaluunniit innaallagialinnik allanik ikkussisoqaqquusaanngilaq.
7. Aqqusinertigut angallaneq teknikkikkullu pilersuinerit	
Immikkoortoq Qeqertanut aamma Borgmester Anniitap Aqqusernganit aqquteqassaaq.	Sumiiffik Qeqertanut-nit aqqusineqarpoq.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

Immikkuualuttoq 1
1. Illut inissinneqarnerat
Imm. 1: Sanaartukkat nutaat, aammalu umiatsianik inaalitsivissaaq, assimi ilanngussami 2B5-mi sanaartorfittut takutinneqartutut inissinneqassapput.
Imm. 2: Nutaamik sanaartorneq annerpaamik 10 meterinik portussuseqarsinnaavoq: Teknikkikkut ikkussugassat soorlu silaannarissarfiit, elevatorit assigisaallu portussusissamut killiliinermut ilaanngillat.

<p>2. Inissialiat isikkui</p> <p>Imm. 1: Nutaanik sanaartornerit avatangiisiniittut eqqarsaatigalugit ilusilersorneqarlutillu immikkut akuerineqassapput.</p> <p>Imm. 2: Sanaartugassaq nutaaq atortussat uku taaneqartut atorlugit sanaartorneqassaaq: Qisuk, savimineq, ujaqqat, betonni, eternit imaluunniit pladitut atortut. Illutaata silataanut mikinerusunut igalaat atorneqarsinnaapput. Illut silataat asingasumik qalipaateqassaaq, qinngorfigineqarnerminnilu qaamanermik utersaartitsisartuussanatik.</p> <p>Imm. 3: Seqernup qinngorneranik katersisunik assigisaannillu silataani iigartai qaliaaluunniit pilersorneqarsinnaapput, taamaaliortoqassaarlun aatsaat qinngornernik utertitsisinnaasuunngippata.</p> <p>Imm. 4: Sanaartukkat nutaat qaliaasa ilusilersorneqarneri illuttut sivingasuussapput (sivingassusai annerpaamik 45 gradit).</p> <p>Imm. 5: Qaliai taartunik qallersorneqassapput. Qaliai igalaaqassappata assigisaannilluunniit, qaliaata inissisimanerinit naleqquttuussapput.</p> <p>Imm. 6: Sumiiffimmi ingerlatsinermut pisariaqartinneqarsinnaasunik allagartaliisoqarsinnaavoq. Allagartat sumiiffimmi atuuffiit avatangiisillu eqqarsaatigalugit inissinneqarlutillu ilusilersorneqassapput.</p>
<p>3. Aqquserngit aqqusineeqqallu</p> <p>Imm. 1: Qeqertanut-nit aqquteqassaaq, assi ilanngussaq 2B5 tunngaviusoq takuuk.</p> <p>Imm. 2: Immikkoortumi kommunimut pilersaarummi aalajangersakkat nalinginnaasut naapertorlugit biilinit inissiisarfiliortoqassaaq.</p> <p>Ataatsimut biilinit unittarfiliormut tunngatillugu elbiilinit immiisarfissanik nappaasoqarnissaa periarfissaqassaaq.</p> <p>Imm. 3: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 12,0 meterinik qaninnerusumik aqqusernermut atalersumut, immikkoortullu ilaanut aqqusernup qeqqanit 7,5 meterinik qaninnerusumut aqqusinerineqalersunut inissinneqassanngillat.</p>
<p>4. Nunaminertat sanaartorfigineqanngitsut sunngiffimmilu atortulersuutit</p> <p><i>Immikkut ittunik aalajangersagaqanngilaq</i></p>
<p>5. Teknikkimut atortulersuutit</p> <p>Imm. 1: Illut nutaat pisortat innaallagissamut imermullu aqquataaannut aamma kuuffissuaataannut attavilerneqassapput.</p> <p>Imm. 2: Imikoq qasertoq qernertorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinerit, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p>Imm. 3: Pilersuinerit aqqutit tamarmik nunap iluatigoortinneqassapput. Ledninginik inuup allap allangortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p>Imm. 4: Immikkoortup ilaanut teknikkikkut atortulersuutit soorlu sakkortusaaviit assigisaalu immikkoortup ilaanut pilersuinerit atortut inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaatinnagit</p>

inissinneqassapput.
6. Nunaminertat sanaartorfineqanngitsut
Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.
Imm. 2: Assimi ilanngussami takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorineqartuni pisariaqartinneqartumik nunagissaasoqarsinnaavoq.
Imm. 3: Immikkoortup ilaani naasut pioreersut sapinngisamik paariinneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.
Imm. 4: Immikkoortup ilaa qaartiternerlukoqarpat qaartiterinermi assartuinnermiluunniit siammarsimasinnaasunik salinneqassaaq.
Imm. 5: Nunaminertat sanaartorfineqanngitsut saligaatsuutinneqassapput eqqiluitsuutinneqarlutillu.
7. Toqqortaqaarneq
<i>Immikkut ittunik aalajangersagaqanngilaq</i>
8. Pinngortitap illersorneqarnissaanik soqutiginninnerit
<i>Immikkut ittunik aalajangersagaqanngilaq</i>
9. Nunaleraluni nunamik atuinissamik soqutiginninnerit
<i>Immikkut ittunik aalajangersagaqanngilaq</i>
10. Ataatsimut atortulersuutit
Imm. 1: Immikkoortumi 3.2-mi biilnut inissiisarfiliornissat pillugit aalajangersakkat takukkit.
11. Piginnittut peqatigiiffii
Imm. 1: Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataitaapput (amma piginneqatigiilluni inissiaatileqatigiit).
Imm. 2: Peqatigiiffiup aqquserngit, aqqusineqqat sanaartorfiunngitsullu isumagissavaat - tassunga atatillugu amma ukiuunerani aserfallatsaaliinissaq - immikkoortumi sanaartorfiusumut attuumassutillit.
Imm. 3: Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu
Imm. 4: Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.
12. Avatangiisinik mingutsitsinermi killissaritaasut
Imm. 1: Immikkoortumi suliffeqarfik immikkut akuerisaalluni mingutsitsisinnaavoq. Namminersornerullutik Oqartussat nalunaarutaat nr. 11, 20. august 2004-meersoq Suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarneranni (Kapitali 5-suliffeqarfiit) naapertorlugu suliffeqarfik immikkut akuerisaalluni avatangiisinut tunngatillugu qinnuteqarsinnaavoq.

Imm. 2: Inuussutissarsiutigalugu suliffeqarfinnut allanut, putsumik, nipiliornermik, pujoralammik tipiliornermillu akornuteqarnerit killilersimaarniarlugit aalajangersaasoqassaaq.

Imm. 3: Imartami nunamilu taamaallaat uumassuilinnit atortut atortullu mingutsitsisinnaangitsut nunniornermut atorineqarsinnaapput. Immiissutissaq assersuutigalugu betonimik akoqarpat, oqartussaasunut attuumassuteqartunut akuersissummik piniartoqassaaq.

Imm. 4: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.

13. Illut nukissiuutinik atuinikitsut

Immikkut ittunik aalajangersagaqanngilaq

14. Atuinissamut piumasaqaatit

Imm. 1: Imatut pisoqaqqaartinnagu illuliat nutaat iserterfigineqassanngillat:

- immikkoortoq 3 naapertorlugu biilnut inissiisarfiliorneq pereerpat.
- pisortat pilersuutaannut attavilernerit pereerpata.
- inaarutaasumik nunagissaanerit naammassineqarpat.

Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

3 AKUERSINERMUT UPPERNARSAAT

Kommunit pilersaarummut tapiliusseq una 2B5-1 Qeqertat Avannaatungaa Inuussutissarsiateqarfik, Nuuk, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 20.02.2018

Kommuneqarfik Sermersooq ulloq 13-2018



Asii Chemnitz Narup

Borgmesteri


/



Lars Møller Sørensen

Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
 Sanarfinermut Avatangiiisunullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 2B5-I
 Kommuneplantillæg 2B5-I

Ilanngussaq I, Immikkoortoq 2B5
 Bilag I, Delområde 2B5
 Februaari 2018 / Februar 2018
 Uutuut I: 3000 / Mál I: 3000
 A4